

VENDIMI ËSHTË I PLOTFUQISHËM
 ODLUKA JE PRAVNOSNAČNA
 GJYKATA THEMELORE / OSNOVNI SUD NË EMËR TË POPULLIT
 FERIZAJ I UROŠEVAC

31. 10 2017



GJYKATA THEMELORE NË FERIZAJ-Departamenti i Përgjithshëm,
 Divizioni Penal, gjyqtari individual Adem Shabani, me zyrtaren ligjore Lavdije Brahim, në tëndësi penale kundër të akuzuarit [REDACTED] nga fshati [REDACTED], komuna [REDACTED] akuzuar sipas aktakuzës të Prokurorisë Themelore në Ferizaj PP/II.nr.1163-6/17 dt.31.07.2017 për veprën penale vjedhje pylli nga neni 358 par.1 të KPRK-së, duke vendosur lidhur me kërkesën e Prokurorisë Themelore në Ferizaj për dhënien e urdhrit ndëshkimor pa mbajtje të shqyrtimit gjyqësor, me dt.04.09.2017 mori këtë:

AKT GJYKIM

PRANOHET kërkesa e Prokurorisë Themelore në Ferizaj PP/II.nr.1163-6/17 të dt.31.07.2017, dhe kjo gjykatë jep këtë:

URDHËR NDËSHKIMOR

I akuzuari [REDACTED] nga fshati [REDACTED], komuna [REDACTED], i lindur me [REDACTED] në të njëjtin vend, nga i ati [REDACTED] i papunë, i gjendjes së dobët ekonomike, shqiptar, shtetas i Republikës së Kosovës, mbrohet në liri.

ËSHTË FAJTORË

Sepse me dt. 29.06.2017 rreth orës 23:00, në pyllin shoqërorë të cilin e menaxhon Drejtoria për Bujqësi dhe Pylltari, në rajonin ekonomik pyjor Nerodime Jezercë, në vendin e quajtur "Plenia" me qëllim vjedhje me sharrë motorike ka prerë 2 trungje të llojit ah, me dimensione të gjatë bonitetit III, me diametër 40-45 cm, gjithsejtë në kubaturë prej 4.24 m³, të cilat i ka transportuar me automjetin Gjip, vlera e dëmit të shkaktuar është 572,40 Euro.

-Me të cilën kreu veprën penale vjedhje pyllit nga nen.358 par.1 të KPRK-së.

Andaj gjykata në bazë të nenit 4,7, 17,41,46,73, të KPRK-së si dhe nenit 495 të KPPK-së.

GJYKON

Të akuzuarin [REDAKTUAR] me dënim me gjobë në shumë prej 200 (dyqindë) €, të cilin dënim është i obliguar ta paguaj në afatin prej 15 ditësh nga dita e plotfuqishmërisë së aktgjykimit.

Në rastë se personi i dënuar nuk dëshiron ose nuk mundë të paguaj gjobën, sipas nenit 46, par.3 të KPK-së, i njëjti dënim do t'i shndërrohet në dënim burgu ashtu që për çdo 20 Euro, do ti llogaritet 1(një) ditë burg.

Obligohet i akuzuari që të dëmtuarës Drejtorisë për Bujqësi, Pylltari dhe Zhvillim Rural në Ferizaj t'ia kompensoj dëmin e shkaktuar në vlerë prej 572,40 Euro, në afat prej 15 ditësh pas plotfuqishmërisë së aktgjykimit.

Gjithashtu obligohet i akuzuari që në emër të paushallit gjyqësor të paguaj shumën prej 20 €, këto në fat prej 15 ditësh pas plotfuqishmërisë së aktgjykimit.

A r s y e t i m

Prokuroria Themelore në Ferizaj me aktakuzën PP/II.nr.1163-6/17 të dt.31.07.2017, ka akuzuar të akuzuarin [REDAKTUAR] nga fshati [REDAKTUAR], komuna [REDAKTUAR] për veprën penale vjedhje pyllit nga nen.358 par.1 të KPRK-së dhe ka ushtruar kërkesë për dhënien e urdhrin ndëshkimor, me arsyetim se ka prova të mjaftueshme dhe të besueshme nga kallximi penal që vërtetojnë kryerjen e kësaj vepre penale nga i akuzuari.

Gjykata gjatë shqyrtimit paraprak të aktakuzës dhe kërkesës për dhënien e urdhrin ndëshkimor gjeti se janë plotësuar kushtet ligjore për aprovimin e kërkesës për dhënien e urdhrin ndëshkimor, në vështrim të nenit 495 par 1.2 dhe 3 të KPPK-së.

Gjykata duke i shikuar provat materiale të bashkangjitura në shkresat e lëndës gjegjësisht, fletëparaqitjen e Drejtorisë për Bujqësi, Pylltari dhe Zhvillim Rural në Ferizaj np.323/17 e dt.03.07.2017, konstatoj se këto prova janë bindëse dhe të bazuara dhe njëkohësisht vërtetojnë se i akuzuari ka kryer veprën penale për të cilën akuzohet, andaj gjykata të njëjtin e shpalli fajtor dhe i shqiptoj dënimin me gjobë si në dispozitiv të këtij aktgjykimi.

Gjykata në mbështetje të nenit 463 par.2 të KPPK-së ka obliguar të akuzuarin që të dëmtuarës Drejtoria për Bujqësi, Pylltari dhe Zhvillim Rural në Ferizaj t'ia kompensoj dëmin e shkaktuar në shumën prej 572,40 Euro, në afat prej 15 ditësh nga dita e plotfuqishmërisë së këtij aktgjykimi.


Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së.

Nga sa u tha më lartë u vendos si në dispozitiv të aktgjykimit.

GJYKATA THEMELORE NË FERIZAJ
DEPARTAMENTI I PËRGJITHSHËM – DIVIZIONI PENAL
P.nr.1884/2017 dt.04.09.2017

Zyrtare Ligjore
Lavdiqe Brahim

Gjyqtari
Adem Shaban



UDHËZIM JURIDIK:

Kudër këtij aktgjykimi mundë të ushtrohet kundërshtim në afatin prej 8 (tetë) ditësh, nga dita e pranimit të aktgjykimit, gjyqtarit individual të kësaj gjykate përmes kësaj gjykate. Pas kalimit të afatit për kundërshtim, urdhëri ndëshkimor merrë formën e prerë dhe dënimi i shqiptuar ekzekutohet.